

QUÆSTIO MEDICO - CHIRURGICA,

98.

QUODLIBETARIIS DISPUTATIONIBUS

*manè discutienda, in Scholis Medicorum, die Martis decimâ-
sextâ Martii, anni M. DCC. XXXIV.*

M. BERNARDO DE JUSSIEU, Regiæ Scientiarum Academiæ,
Regiæque Societatis Londinensis Socio, & in Horto Regio
Botanices Prodemonstratore, Doctore Medico, Præside.

An à Ligaturâ Polypi narium tutior Curatio?

I.

DEFORMIS incommodusque tumor narium cavitatem quandoque infestat, Polypum antiqui recentioresque Medici nuncupant. Congruatne à radicem ejus cum multiplici pedum numero petita comparatio, Philologorum est inquirere: præstat tumoris speciem, naturam curationemque diligentius quam etymon dignoscere. Primum oculis se mole modò minorem, modò majorem præbet, exiguum, ampliorumve in naribus locum occupans; color huic albicans, rubicundus, plumbeo-livescens; substantia mollis, firmior, aut scirrhusa, vel ad Œdema, vel ad Sarcoma, vel ad Carcinoma refertur; forma vel pyrum petiolo suffulsum, vel cavitatem in qua crescit, huic sese aptando, exprimit, cæque parte quâ membranæ pituitosæ hinc illinc expansæ potius quam cartilaginibus aut ossibus adhæret, vel latâ basi protuberans, vel pyri instar petioli adminiculo pendulus incementum suscipit. Quis verò hostis inimici in unâ sæpius, quandoque in geminâ nare nidulantis incommoda enarret? olfactûs sensum ex exquisitissimo hebetem redditum, inspirationis expirationisque libertatem oppressam, ingratum loquelæ sonum, graveolentem stagnantis pituitæ aut fœtidum puris ex aperto tumore stillantis odorem omnibus terribimus. Quid si præterea partium solidarum læsionem spectes? hæc nimirum tumore circumscribi impatiēte coarctantur, qui adeo interdum luxuriat, ut pendulus antrorsum indecorè se præbeat, aut ad otis fundum retrorsum prolapsus suffocationis metum incutiat? Quid si nimum dilatatis narium claustris, non sine gravi organi fabricæ damno, & ipsorum, quibus cavitas efformatur, ossium compaginis dissolutione, extorsum latius aliquando serpat, faciemque (a) turpiter peragat? incommodo ac dedecori nonnumquam dolor additus, gravans ac puniens pro variâ mali indole certam curationem postulat; reddendus simul faciei decor, ac restituenda odoratus, respirationis & loquelæ facilitas; quâ arte, quibus instrumentis, quibus cautionibus rem exequaris, hoc opus, hic labor est.

(a) *Joh. à Meekren Obs. Chirurg. cap. 11.*

I I.

POLYPI originem quæris? à parvo in membranâ pituitosâ tuberculo exortus, in modum fungi petiolo innixus crescit, & molem amplam sensim acquirit, aut latiori basi donatus, vel multiplici radice annexus in tumorem prominet; illic unam aut alteram, ex copiosissimis glandulis, quibus internas nares obvestiens membrana referta est, tumefactam accusa; hic numerosiores glandulas textumque ferè totum membranæ perverso modo germinare deprehendes. Stagnat in glandularum vasis, aut pituitariæ membranæ textu, sanguis, humorve quilibet, en tibi proxima mali causa; hinc vasa distenduntur, distenta tonum amittunt, languidè resiliunt, sensim sine sensu humoris appellenti cedunt, productumque intra vasorum parietes morâ lentescens humor, & circuitui perficiendo impar; lentorem humoris tumorisque molem auget productæ quâ continetur membranæ fibrarum inertia, à scaturiente quo illinuntur distenduntque mucò jugiter fota. Remoram habes polypi causam in uberiore sanguinis aut lymphæ ad membranam pituitariam appulsu, in viscidiori utriusque crasi, & excretorium vasorum obstructione, hisque locum dabunt permulta hanc sanguinis humorumque illuviem, aut diathesin in nares inducentia, frequentes hæmorrhagiæ intempestivè sedatæ, hæmorrhoidum mensumque suppressi fluxus, &c. Coryza, pituitariæ membranæ inflammatio, excoxiatio vel levis, narium importuna sordescitibus digitis contectatio, casus, ictus, & extraneum quicquid in cavitatum recessu nidulans, aut in ossium cartilaginumque substantiâ infixum hærebit, ea denique in membranâ pituitariâ dispositio, quæ in fibrarum, vasorum glandulatumque laxitate consistit, singula exerefcientiæ polyposæ anam præbent. Variant tumoris color, substantia, indoles pro humorum vitio vel causarum varietate, albicantem, mollem, indolentemque faciunt, serosi humoris quo constat visciditas & rarior membranæ pituitariæ textus, productum ejus fibrarum vieta ductilitas. Eò intentius obscuriusve rubescet Polypus firmiorique

substantiâ donabitur, quò vividiori, crassiorive sanguine vasa infatentur; si ob distentos venoso sanguine ramulos varicosa fiat membrana pituitaria, Polypi formam annulabitur, nunc crescent, nunc dectescunt, interdum cruorem fundens, non Lunæ phasium consensu ut sinxerunt quidam, sed pro vario plethoræ gradu. Sin crassiore lymphâ turget per fluidatum partium ex morâ dissipationem, aut imprudentem stypticorum absorbentiumve applicationem, in scirrhum evadit: sic & qui prius benignæ fuerat indolis tumor, mutatâ sanguinis & lymphæ crassi, principii eorum salino-acido-cotrovis evoluit, & rigide vasorum parietes pungentibus, aut irritantium, escharoticorum infausto usu exandescens, carcinodes fit colore lividus, durus, acerbè excrucians. Cum denum sanguis aut lymphâ stumoso, scorbutico, venereoque intingitur viru, aut aliâ contradiâ libe inquinatur, eodem vitio tumor inficitur, novas germinandi vires haurit, nullis, nisi destructo prius contagioso veneno, remediis cessurus. Polypum benignum facile, altis verò radicibus latè expansis harentem, gravioribusque stipatum symptomatis difficile attingas, carcinodem omninò tentare nefas.

I I I.

VARIAM in narium cavitate Polypi sedem vestigare, instrumenta, medicamenta morbo convenientia, internæ structuræ accommodata, eligere, electa dirigere abstinerè Medicus, nisi penitus seduloque perspecta prius invenerit organi fabrica, non nisi scupulosæ anatomæ* ope obtinenda. Hæc prælucente facie latentis morbi genium, auxiliorum armaturam, tutioremque administrandorum viam assequetur. Efformatur ex plurium ossium & cartilaginum coagmentatione nasi gemina cavitas; hanc sepimento distinctam nares internas vocant; externæ patentes, nares externas; ad lacunar faucium posteriùs protensas, nares posteriores. Mediam, superiorem & maximam hujus cavitatis partem os Ethmoidis occupat; cellularum diverticulorumque apparatus insigni, tenellulis ossis lamellis conflatum totumque fragile: hujus basin constituunt ossa turbinata superiora, inferiùs ossibus maxillaribus & palatinis annexa prodeunt inferiora. Infernè latior rectaque à naribus externis ad nares posteriores via datur, ad eò superiùs arcuata, ut vix septum inter & ossa turbinata superiora atque spongiosum Ethmoidis corpus unius lineæ superfit intervallum; isthmus dicitur. Lamina ex ossis ethmoidis rabulato-cristoso descendens, anteriùs, vomer verò posteriùs, septum narium absolvunt. Varii in naribus aperiuntur sinus, maxillares ad latera, ossa turbinata superiora inter & inferiora, pone sacum lachrymale; hiant deerium frontales supra orbitas extensi, & cum cellulis ethmoidis communicant; dehiscunt verò anteriorum phenoidales sub Epiphio latentes, pone ossa turbinata superiora. Anfractus, cellulas & narium sinus obvestit internè membrana pituitaria dicta, immediatè periosteò & perichondriò superstrata, vesiculari textu donata; ad nares externas tenuior, curi & cuticulæ confundi videtur, circa septum in parte infernâ narium atque circa ossa turbinata crassior, spongiosior, villis tenuissimis, confertissimis superficiei tenuis obstita, punctis glandulosis ubique referta; vasa excretoria præsertim in septo, & turbinatorum ossium parte antequam dehiscant, longum sinuosumque priùs iter emergunt: Polypi in hac membrana pituitariæ parte præ cæteris adnascendi occasio. Muco per secretionem undequaque stillante continerè ittoatur, humoris, qui oculorum superficiei lubricandæ destinatur, residuæ partis quæ perputata lachrymalia, sine per sacum ductumque lachrymalem advchitur, stillicidio subiacet; apperitur enim ductus ille in cavitate narium pone ossa turbinata inferiora: tandem expirans jugiter humida ex pulmonibus aut varios narium recessus percurrendo, pituitariam membranam madefacit. Sanguinem hæc membrana ab arteriæ maxillaris ramificationibus accipit, revehunt ramificationes jugularis externæ. Nervos præcipue olfactorios obtinendi sunt filamenta involvere à dura piaque matre mutuo obvestita, quæ per foramina ossis cribrosi seu transversalis Ethmoidis lamina cranio egressa, in villosam membrana pituitariæ partem expanduntur. Oriundus ab ophthalmico ramulus filamentum dimittit quod cranium per foramen orbitale internum dictum recipit, mox unâ cum filamentum nervi olfactorii exire iterum, ut in membranam pituitariam delitescat, alter denique ramulus à maxillari superiori nervo qui cum intercostali communione habet supeditatus, ad posteriores nares progressus supra ossa turbinata & cæteras narium internarum partes dispergitur. Hoc nervorum apparatu membrana pituitaria instructa odoriferorum impressiones percipit, cum oculorum membranis, & respirationis instrumentis mutuam fœdus servat. Qui variam Polypi naturam, sedem, Ethmoidis fragilem structuram, narium ambages, cerebri proximitatem, membrana obvestientis textum, indolem, sensum exquisitum, nervorum, vasorum exitum, copiam, distributiones novet, non diu hærebis in deligendâ certiori operandi methodo.

* Clarif. Winslow.
Expos. Anat.

JAM si te ad tumoris extirpationem accingas, è triplici qui sese offert modo, sectione nimirum, avulsione, aut consumptione, quænam antepones? primus instrumento folii Myrtini formam referente utrinque secante, vel cultello ad extremum in faucem, aut secantem semicirculum formato, tentatur; hoc ad mali radices strenuè perlato, illas salvis cartilagine ossæque abscindunt, abscissumque Polypi corpus hamulo vel forcipe foràs extrahunt, vel repetitis vicibus sectionem absol-
vunt, usque dum liberior fiat aëris per nares respiratio. At methodum infidam, dirigendi per cæca loca instrumenti difficultas, subsequensque nec facile sistenda hæ-
morrhagia nonne satis arguunt? Avulsionem qui malunt, vel Polypum forcipe apprehendunt, movent huc illuc, donec paulatim distractum aut integrum aut per frustula penitus evellant, vel apprehensi distortionem continuâ adhesionem dilacerant; sed heu crudeliter susceptæ curationis damna, quantò longius morbi incommoda superant! violentius enim divulsâ extensili pituitariâ meninge, sequitur nonnunquam Ethmoidis denudatio, filamentorum olfactorii nervi proximè ad originem diresis, sanguinis è ruptis vasis profluvium, fœdum putidum ulcus ozæna, caries denudata ossa consumens, novæque pejor priori Polypi ab excoriatione germinatio. Haud felicior est illius ad consumptionem escharoticorum aut actualis cauterii applicatio, dum Escharotica specillo, rurundæ ad rumorem deferunt, vel per cannulam argenteam ad Polypum ejusque radices directam intromisso crure cauterii actualis, quam pertingit cannula extremum, partem deunt. Periculosæ quidem plena alex operatio in quâ cum nec sciat Chirurgus quam narium partem attingat, nec moneat instrumentum, suæ imprudentis fiducia brevi pœnas luet æger, labyrinthis Ethmoidis destructione, læsione septi, vicinarum partium exultione ac irritamento, inflammatione demum cerebro communicatâ. Tumoris potiùs ligatione palmam consequeris, seu altis seu apparentibus ille radicibus adhærescat, mole parvum, & petiolo tereti appen-
sum faciliè, magnum & latiori basi protuberantem difficiliùs stringes hac methodo: ægro in sellâ brachiis dorsoque mobili instructâ collocato, caput retrorsum inclina-
tum firma, per nares externas forcipis non incisoria crura inmitte, diductis cruribus Polypum arripe, arreptum leniter foras trahæ, quantum substantiæ mollities per-
mitteret; forcipe hoc in situ manente, filum cerarum, quàm altè fieri potest, supra partem foras deductam religandum injice, duplici nodo constringe; novæ, si possit illæsa attrahi, prodeunt Polypi parti alterum filum superiùs injice, rum vel totum opus naturæ conamini committe, vel forcice scalpellove portionem tumoris infra deligatum filum adime, sensim enim Polypus intercepto humorum appulsu, per compressionem folio defraudatus pabulo, à superioribus partibus disjunctus, emortuus intrâ 8 vel 9 dierum spatium excidet. Polypum verò in fundo oris pendulum, vel in aliocumque difficiliori recessu latentem religare propiùs ad originem gestienti; instrumento, curracem laqueum altè deferente, tibi opus erit quodque artius constringendi atque extorsum trahendi facultatem tibi ministret. Illud sit ad specilli formam fabricatum, pomulo oculato ad extremitatem donatum, incurvum, brevius longiusve pro tumoris propiore altioreve situ, firmum ac solidum; sic ramen ut angustos narium mæandros absque læsionis metu penetret: per rimam pomuli oculati filum ceratum quod extremitate ansulam curraci laqueo comprehensam gestet transagito, dein simulac pomulum naribus inditur tumori inducas laqueum, alioque spe-
cillo laqueum circumcirca ita temperes, ut dum pomulum aliùs adigitur is tumo-
rem equaliter ambiens semper ascendar, quoad reniti pomulo quid sentiat, tum filii ex-
tensitatem pendulam trahas, nodoque pomuli oculati ope firmato, specillum illud po-
mulo stonato educas, quod per totum curationis tempus singulis diebus rursus in-
dendum erit, ut filo per rimam pomuli transacto laqueum magis ac magis constri-
ngas, quoad tumor obliteretur. Qualicumque utroque in casu utaris ligatione, absque
eruciatis, salvis omnibus vicinis partibus, & sine labentis in stomachum cruris in-
commodo rem feliciter absolves.

V.

QUAMVIS internæ narium structuræ conservatio, Polypi ligandi methodus meliùs quàm alia quævis faveat, Pituitaria membrana excoriationi, nervorum & duræ matris appendicem divulsioni, vasorumque rursusque ruptioni oc-
currat, à recentiorum symptomatum faviræ, ægrum incolumem præstet, tumori-
que absque dolore compedes iniciat: hujus ope parùm te profecisse putes, nisi integram Polypi separationem radicibus obtinueris. Hæc autem methodo quin eam ob-

tineas non dubites. Hi nimirum ex eâ fructus perceptum eunt, tumoris lapsus non solum, sed etiam vasorum ligationis ope, mutata conditio, legitime circuitus normæ in membranâ pituitariâ restitutio, & destructa illius vitiosè germinandi dispositio. Polypus enim vel petiolo pendulus, vel basi latâ protuberans fit pituitariâ membranâ adhærescat: debilitatum utroque in casu vasorum tonum, vasaque humoris aggesti mole distenta longiusque producta arguit. His compressis per injectum laqueum, sanguinis & humorum denegatur aditus, dum ad vicina & lateralia copiosior liberiorque fit refluxus. Hæc ultima restituitur ac crescente eorum elatere validiores oscillationum impetus exercent, & priora in quibus Polypus radicitus jam flaccescit tandem obliterant. Hinc licet exactè Polypi radices non comprehendar ligatura, dummodò maxima tumoris moles intercipiatur, integer tumor marcescat, morietur, ac decidet. Non aliter ad umbilicum funiculus pariterque ad annulos vasa spermatica eâ parte quæ suprà constrictionem est excidunt, ob vasorum vicinorum ejus partis quæ excidit elatorem auctum à constrictione multo inferiori. Nec percunt tantum arte illâ radices tumoris, verum etiam nova alterius Polypi adnascendi occasio aufertur; dum enim importunâ humoris mole pituitariâ membrana allevatur, æquabilior fit sanguinis & humorum distributio, quemadmodum ferè uterus enixo fatu restituitur. Quibus non sapit ligatio, tediousam fili, nodi, instrumentorum supellechilem, utendique difficultatem culpant; at suam potius imperitiam accusent: cum Polypi ligationem, non-nisi Chirurgo exquisitè narium anatomie imbuto, firmissimâ ac dextrissimâ manu prædito, versatissimoque suscipiendam proponamus. Porro dum promptius nec minus feliciter avulsione, sectione & consumptione, curationem obtineri affirmant; citius quidem, sectione & avulsione, fatendum; at si feliciter, illud, benigniori fortè tumoris naturæ, situique commodiori, non methodorum securitati profectò tribuendum: multò secius enim res Chirurgo succedit, si altius firmioribusque radicibus tumor membranâ adhærescat; quis ægrum tunc ditis moliminibus cruciatum non commiserescat? Funesta adeò crudelis operationis non desunt, nulla verò prudenter susceptæ ligationis exempla prostant. Exstirpato avulsione, sectione aut polypo, ager hæmorrhagiam perpeffus omnibus ut sedarerit irritò adhibitis amisit cum sanguine vitam; nonnulli carie, ozanâ, hemicranîâ, &c. tentati plenam dolore vitam traxerunt: alius quem nobis contigit observare, cauterio actuali recessus narium perulstrante, sibi cerebrum inuri querulâ miserabiliter voce exclamavit, & convulsioni succedente lethargo, è numero viventium sublatus est. Tot rationibus ac experimentis adde ligationis anriquitatem. Ab ipso Hippocrate (a) in usu habita; si enim, inquit, *Polypus in naso innascatur, velut quiddam statu distentum ex obliquâ nare intumescit: eximitur autem laqueo ad os petraclius*. Ligationem Galenus, de Vigo, Tacuinus, Gesnerus, commendârunt; feliciter susceptæ Forestus, Fabricius Hildanus (b) exempla proferunt. Quorum ultimus incipienti Polypo aliquandò ad radicem illius, instrumenti beneficio vinculum inject, feliciter ipsum filo abscedit, adhibitisque per aliquot dies exsiccantibus remediis, ægrum restituit. Instrumenti à se perfecti, quod superius descripsimus ope Glandorpius (c) Polypum exstirpavit: sicque hujus methodi præstantiam ratio docet, suadet auctoritas, & experientia demonstrat.

(a) Hippocr. l. 1.
de Affectionib.

(b) Fabricii
Hildani Epist. 61.
Cent. 1.

(c) Moth. Glandorp.
Lib. de Polypo. p. 40.

Ergo à Ligaturâ Polypi narium tutor Curatione.

DOMINI DOCTORES DISPUTATURI.

M. Ludovicus-Joannes le
Thieullier, Regis Con-
siliarius, & in majori Con-
silio Medicus ordinarius.

M. Nicolaus le Roy de S.
Aignan.

M. David Vasse.

M. Andreas-Josephus Se-
ren.

M. Thomas-Renatus Gas-
nier.

M. Philippus Davier de
Breville, Dotaria Hispa-
narum Regina Medicus
perpetuo ordinarius.

M. Antonius Pepin, Regis
Consiliarius & in Porta
Bressens Medici Pri-
marius.

M. Petrus Azevedo.

M. Joannes Herment, Me-
dicus Regis ordinarius.

Cultor.

Proponebat Parisiis JOSEPHUS DE JUSSIEU, Lugdunæus,
Baccalaureus Medicus, A. R. S. H. 1734. à sextâ ad meridiem.